

La Quotidiana 17-7-2015, p. 18

17.25 CUNTRASTS SIN SRF 1

«Sas anc?»: Ils trais vents



Tgi che tschertga chatta! Quai vala senza auter per Arnold Rauch e sias excursiuns en il archiv da la Televisiun Rumantscha. Ma, i dà era excepziuns e surpraisas. In da quellas è segir e franc l'inscunter da Susanna Fanzun cun il professor canadais Gilbert Taggart. Quai era dal 1998 che Taggart è rivà en Svizra. El saveva perfetgamain rumantsch ed era per uschia dir inamurà en las parblas engiadinaisas.

En il film che Arnold Rauch less preschentar en il SAS ANC?, purtretescha Susanna Fanzun al surprendent Canadais, deplorablmain gia mort, e mussa in film fenomenal che Taggart aveva fatg sez. In film animà da la paraula rumantscha «Ils trais vents».